

SERBSKE NOWINY

SRJEDU, 18. MEJE 2016

NJEWOTWISNY WJEČORNIK ZA SERBSKI LUD

LÉTNIK 26 · ČÍSLO 94 · 0

Na wuwice reagować

Němscy politikarjo debatuja wo přichodže renty

Berlin (SN/MkWi). W přichodnym boju k wólbam Němskeho zwjazkowego sejma 2017 ma po woli SPD diskusija wo rentach wulku rólu hrać. Hłowna přičina je poněčim spadowacy niwow renty, kotryž móhi přichodnym generacijam chudobu w starobje wunjesć. Měnjnja wo tym, kak hodźało so tomu zadźěwać, pak su rozdźelne.

Zapóstanča CDU w zwjazkowym sejmje Marja Michalkowa je sej toho wědoma, zo je tuchwilny system rentow wuhroženy. Wona skedźbnja na to, zo wuměnkarjo džensa přerěznje 19,3 lěta rentu dóstawaja, 1995 bě to hišće 15,8 lět. Woteběrace renty njejsu po džělapohnym žiwjenju za wšitkich spokojace. „Rozji-

mujemy tuchwilu, kak na tele wuwice reagować. Jedna z móžnosćow je flexi-renta. Wona měla ludži pohnuć djeje dźělać. Prawniske wuměnjnja, sej wjace zasłužić móć, chcemy widźomnje woložić“, rjekny Michalkowa na naprašowanje SN.

„Chudoba w starobje je tikitaca bomba, předewšěm na wuchodze. Njeje akceptabelne, zo je dźěło tam 25 lět po zjednoćenju Němskeje přeco hišće mjenje hódne hać na zapadze“, měni zapóstanča Lěwicy w zwjazkowym sejmje Caren Lay. Lěwica sej žada, zo měi so niwow renty zaso na 53 procentow zwyżić. Nimno toho měli wšitcy, tež předewzaćełjo a politikarjo, do rentoweje kasy přinošować. Nichtó

njesměi w starobje chudy być. „Model Riesteroweje renty je zwrěšćić!“

Wo rentach rěčeć je tež bjez wólbneho boja jara trjeba. Wo tym je zapóstanca SPD w zwjazkowym sejmje Thomas Jurk přeswědčeny. „Trjebamy wurumany koncept, kotryž demografiske wuwice na jednym a žiwjenski wukon kóždeho jednotliwca na tamnym boku wobkedźbuje“, Jurk piše. Hdyž dalšemu znižowanju rentoweho niwowa njezadźěwamy, steja přichodne generacije z prózdnymaj rukomaj. Reforma zawodnych rentow je runje tak trěbna kaž zawjedženje nowych małych rentowych modelow. Jurk je tohorunja za to, zo měli wšitcy, tež samostatni a zastojnjacy, rentowe přinoški płaćić.